

Крестьянск дән Колумбд

НЬЮ-ЙОРК. (ТАСС). Американск болн колумбийск барин зәнъгллгъяр болхла, Колумбд крестьянск дән зогслго бола бәәдгдж. Колумбийск „Семана“ гидг журналин бичсәр болхла, „ик баячудин өмнәс, аграрн реформ эрк биш кехиг некдж“, крестьянмуд ноолда кеджәдгдж. Толима гидг департаментд, терүнә өөр бәәх департаментст, крестьянск отрядс правительственн цергүдлә болн полицлә ноолда келгән темдгтә кевәр куч авчана. Тиим ноолдас болсна ашд сар болгънд 1000 шаху күн алгна гидж Ассошиэйтед пресс агентствин корреспондент сонъсхджана. Арви джилин эргцд орн-нутгт 280 минъгән күн алгдж.

Крестьянмуд бослгъ кедгиг дархар седәд, Колумбин правительств, иим бәәдл болджах райодар бәәх засврин чидлмүдин тоогъинь сүл цагт улм икдүлджәнә.

Орн-нутгин бәәдлин тускар цәәлгъдж „Семана“ гидг журнал иигдж бичджәнә: бослгъ кеджәх райодар йир оли крестьянмуд гер-маласн хагъцсн, дәәллдәнә үүлдврин ашд, эврәннь бәәрлджәсн газрасн көөгдсн бәәнә.